

آبونه شرائطی

ممالك عثمانیه ده سنه لکی (۶۵)، الق
ایله (۳۵) غروشدور .

ممالك احصیه ده سنه لکی (۱۷)، الق
ایله (۹) قرانقدر .

اداره خانه

باب عالی جاده سنده دائرة مخصوصه

اضطارات

آبونه بدلی پشندر .

§

مسلكه موافق آثار مع الممنوتیه قبول
اولنور . درج ایله بن یازیلر اعاده
اولونماز .

الدشمالک

۱۳۳۰

دینی، فلسفی، علمی، ادبی، سیاسی هفته لقی مجموعه اسلامیه در.

اضطارات

رساله خردن آلمدیغی کو - ترمک شرطیله
بتون یازیلر هر هانکی بر خیزه طرفندن
افتباس اولونه ییلیر .

§

مکتوبلرک، امضالرک واضح و اوقوناقلی
اولمسی و آبونه صره نومروس محتوی
بولونمس لازمدر .

§

ممالك اجسییه ایچون آبونه اولانلرک
آدرس لریشک هر انسرجه ده یازلمسی رجا
اولنور .

§

پاره کوندرلدیکی، ان نه یه د ثر اولدیغیک
واضعا ییلدیلمسی رجا اولنور .

والله یمهدی من یشاء الی صراط مستقیم

صاحب و مدیر مسئول: شرف اربیب

اتبعون اهدکم سبیل الرشاد

تَفْهِيْمُ فَرْصَتِهِ

مفکوره وطن

اردو اجماع

مؤلفی ، پیادہ بیکباشی غریبہ لی بکر فکری بک در ، محترم قارئین مزک بوسہ ویلی ، مونس اسمی طامیق خصوصندہ بزدن کپروہہ قالیہ جقلری بیلرز . کچن سنہ قوجہ غرب اوردوسی دارمہ داغنیق اولوب وطنمزک بویوک برقسیمی دشمنک آیقلری آلتندہ ازیلیرکن ؛ عرضمز ، ناموسمز ، حیثیتزمردار آیقلر آلتنه آلینوب چیکنه نیرکن ؛ تلغرافلر ، پوستلر ، اوراق حوادث بوتون بزم اوزرمزہ چوکن فلاکت خبرلریله محمول ایکن عمومی برمایوسیت ایچندہ پارلایان تک بر شغلہ امیدکی ، برقاچ صادق اخوانیلہ رفع لوای جهاد ایدہرک دشمن ایچنہ دالمش ، اسارتہ ، مغلوبیتہ ، اولومہ ، محرومیتہ ، هیچ برشیتہ بویون اکیہرک تام برمسلمان یورہ کیلہ متارکہ زمانہ قدر چارپشمش ، نفرندن قرالنه قدر بوتون دشمنلری تیریل تیریل تیتہ تمشیدی .

ایشته بوجاهد محترم شواتر کزینی بوتون بوغزوآتی اثناسندہکی مشاہدہلرینہ ، تجربہلرینہ ، دویغولرینہ مستند اولہرق میدانہ کتیرمشدر . بوصورتلہ اثرک قیمتی برقات دہا آرمش بولنیور دیمکدر . مؤلف محترم بوآری یازارکن ہانکی مقصدلری اساس اتحاد ایش اولدیغنی ایضاح ایچون « ائردن مقصدم » عنوانی آلتندہ مقدمہ اولہرق شو یولہہ اجالہ قلم ایدیور :

(۱) مملکتدہ لفظاً بر وجدان مشترک مانندہ تصویر ایدیلن ومعناسی ملتک کندی لسانیلہ آکلاشیلہ بیلن بر معنویت حصولہ کلہر ايسہ انقلابات ہر وقت بر « اختلال وطن » شکندہ وجود وطنی جریحہ دار ایدہ جکنی آکلاقی ؛

(۲) مملکتمزک ادراکنہ ، رفع احتیاجنہ نظراً فکر وطنپروری بی تعریف ایتک ؛

(۳) سنہ لدنبری اعدامزک پای تحقیری آلتندہ ازیلن سوکیلی وطنک افکار ملتہ خارجی ، اجتماعی ، عسکری موقعی تعیین ایتک ؛

(۴) وطنی تخلیص ایچون اساسلی بر فکری قانوناً ، اجتماعاً عثمانلی افرادی میانندہ قبول ایتدیرمک ؛

(۵) عثمانلی افرادی آراسندہ مشترک بر « مفکوره وطن » حاصل اولہمازسہ وطنک سلامتندن امین اولوق صافدللک اولدیغنی اثبات ایتک ؛

(۶) « عثمانلی وطنی » فکری اوزرینہ مؤسس بر ملت وجودہ کتیردکن صوکر بر عثمانلی اوردوسی وحدت فکریہ وتریبہ سندن امین اولوق ؛

(۷) عسکرلکی ، بر عسکرک عصمت اعتقادیلہ سہوہ بیلیمک امکاتی تعریف ایتک اساسہ مستنددر .

ایشته بوآثر شویدی بویوک مقصدک ایضاح واثباتی ضمنندہ یازیلیور . بومقصدلر حقیقتاً تجربہیہ ، حسہ ، شہودہ مستند اولہرق اثبات ایدیلیور . موضوعلرک ، مشہوداتک تعدد وداغنیقلیلہ برابر اثرک تحریرندہ اصول تدوین وتصنیفہ بکدہ رعایت ایدیلہ مش اولدیغندن آز چوق قاریشیقلق یوق دکل ایسہدہ ، اثر مطالعہ ایدیلیرکن ، انسان کندیسنی آلامیلہ ، اکداریلہ ، فجاعتیلہ ، بعضآدہ ذوقیلہ ، صفاسیلہ ، بوتون شعشہ واحشامیلہ یاشایان جانی برحیات ایچندہ بولیور . محررک حس ایتدیکنی ، اثری

مطالعہ ایدندہ دویویور . محررک بوتون قناعتلری قارئینک ذہنندہ کندیلکندن تجلی ایدیویور .

تدریجی برصورتدہ علمک حل ایتسی اقتضا ایدن دین ، ملیت اساسلرینہ مستند بعض مسائل مهمہ صرف حسیات دائرہسندہ مطالعہ ایدیلش اولملہ برابر اثر ہیئت مجموعہسی اعتباریلہ غایت مهمدر . بالخاصہ حیات عسکریہیہ ، وطن اسلامی ، وطن عثمانی مفکورهلرینہ دائر یازیلان اوزون بندلر حقیقتاً سادہ ماصہ باشندہ دوشونیلہرک دکل ، طوغرودن طوغریوہ حس ایدیہرک ، دویولہرق یازیلشدر . بو حالدہ اثر ایچون ایلرہجہ برقیمت حقیقیہ بخش ایتشددر .

یوقارودہ یازدیغمز مقدمہدہ کوستریلن موضوعلر حقندہ اوزون اوزادی بہ تشریحات وایضاحاتدہ بولندقدن صوکرہ خلاصہ وخاتمہ اولوق اوزرہ « نتیجہ فلاح » سرلوحہسی آلتندہ اثرک روحنی تشکیل ایدن بروجہ آتی یازیلر ایلہ اثر اکمال ایدیلیور :

« دنیاتک یکانہ مستقل مسلمان حکومتی اولان معظم دولت عثمانیہ نک ؛ بنای موجودیتی ، شو اساسات اوزرینہ موضوع اولمیدر :

(۱) « وطن اسلام » وذاتاً قوی اولان بر خرستیان مفکورہ سندن متولد « عثمانلی وطنی » مفکورہ سنک عثمانلی ملتہ عموماً ، کرہا ، طوعاً قبولی .

(۲) کتانبہ قلباً ، فعلاً صادق اولان دیندار بر عسکرک اوزرینہ مؤسس عثمانلی اوردوسی .

(۳) اردو ، ای بر معلومات مادیہ وقط فنا برایمانہ استناد ایدرسہ مملکتی محو ایدر . اردودہ معلوماتی آرز ، ممنویاتی یرندہ اولان بر ضابطہ ، بر قوماندان آلمانیاہہ تحصیل کورہن محروم معنویت برضابطدن دہا ای اولہجفک بیلنمسی .

(۴) آلمانیا تحصیل کورمش ، مملکتی طامیش ، معنویاتہ مظهر اولمش بر ضابط عثمانلی اردوسنک رہبر استقبالی اولہجفک آکلاشیلمسی .

وطنک الیمسقوطلری قریب بر آئیدہ کال عظمت واحشام ایلہ تلافی ایدہ جکنہ امین اولدیغمز بو یولہہ « مفکوره » نک « معنویتک » عموماً ادراکی ؛ استقبالرک تبشیری دیمکدر . بر مملکتدہ مشترک بر وجدان ، بر ایمان طوغونجہ ؛ غایہ مطلوبہ درحال واصل اولنور . وقتیلہ دہدہلریمزک : « برمسلمان = اون دشمن » دیمسنی استخفاف ایتہملیز .

اگر بزدہ منابع مقدسہ دن متوارد بر « دین عسکری » تأسس ایدرسہ « بر مسلمان = یکریمی دشمن » اولہجفہ قطعاً امین اولملی بز . بالقان محاربهسی ، بزمہ کوستردی ، کہ « اردو کیت » ایلہ دکل ، کیفیت ایلہ حرب ایدر . کیفیت ايسہ شیمیدی بہ قدر بالکمر اثنای حربدہ وضابطک فریاد ایتدیکی « قوہ معنویہ » [مفکوره عسکریہ] اوزرینہ تأسیس ایلرسہک « وطن » بزمدر . حتی المزدن کیدن « روم ایلدہ » بزمدر . کیتدیکنی . ظن ایتدیکنمز روم ایلی بزم سینہ مزدہ بوتون حرارتیلہ یاشار ایکن اونی بالقانلیلر قولای قولای اولدیرمز . وقتیلہ میداندہ هیچ برشی یوق ایکن بر آووج انساندن جهانکیر بر دولت چیقاران اجدادیمزک یرینہ بز : « بصرہ دن روم ایلی ایچنہ قدر حاضر بولدیغمز مدہش بردولتی - هیچ اولمازسہ - برالقان دولتی قوتیلہ محافظہ ایدہ بیلیرز . دوشونہلم کہ ، ملکمز ، یکریمی اوتوز یونانستانی ، بلغارستانی ، صربستانی ورومانیای استیغاب ایدر .

جناب حق بوتون شتون وحادثاتی ، عزم انسانہ زبون قیلمشدر .

« ایدر تدویر عالم بر مکینک قوہ عزمی

جهان تیتہرہ ، ثبات پای ارباب متانتدن »

مفکوره وطن اساسہ مستند ؛ عزم ، متانت ، جسارت ، معنویت ، شانلی برملت ، مظهر براردو البت طوغورہ جفہ ایمان ایدم . جناب حق چالیشانلرک ظہیر ومعاونی ؛ چالیشمانلرک عدو بی امانی در ! . . .

بوآثری بالعموم محترم قارئینمزہ ، اخوانمزہ توصیه ایدرز .

سیل الرشاد